

ايونينگ گو جری نیو ز بلیٹن مو رخہ 2 ستمبر 2025

یوہ آکا شوانی جموں ہے عبدلرحمان تے نصرت تیں خبر سُنو۔

HEADLINES

- ۱۔ جموں تے ملحقہ علاقوں مانہہ ایک بار فر موسلا دھار بارش ہو رہی ہے تے دریاواں مانہہ پانی غی سطح خطرناک حد تک اوچی ہو رہی ہے۔
- ۲۔ وزیر اعلیٰ عمر عبداللہ نے دہلی غی وزیر اعلیٰ ریکھا گپتا غو جموں کشمیر مانہہ سیلابی بحران غے دوران تعاون ور شکریو ادا کیو ہے۔
- ۳۔ جل شکتی غا وزیر جاوید احمد رانا نے پونچھ مانہہ سیلابی امداد بحالی تے قدرتی آفات سنگ نمڑن غی تیاریاں غو جائیزو لیو ہے۔
- ۴۔ محکمہ بجلی نے ریکارڈ وقت سنگ تباہی تیں بعد بجلی سپلائی نانہہ بحال کردتو ہے تے اسے دوران پانی غی سپلائی وی 65 فی صد بحال کردتی گئی ہے۔
- ۵۔ محکمہ موسمیات نے جموں صوبہ مانہہ آئندہ 24 گھنٹاں غے دوران پہاری بارش تے سیلابی خطرات غی پیشن گوئی کی ہے۔ لگاتار بارشوں کی وجہ سنگ جموں سرینگر قومی شاہراہ ور گڈیاں غی آؤ جائی یعنی کہ ٹریفک نانہہ معطل کردتو گیو ہے۔

HEAVY RAINS

گزشتہ دیررات تیں جموں تے اس غا قریبی علاقوں مانہہ دوبارہ تیں پاری بارشوں غو سلسلو جاری ہے جس سنگ حفاظت تے آمدرفت ور نوا خدشہ پیدا ہو گیا ہیں۔ کتڑا تے ترکوٹہ پہاڑیاں ور پاری بارش تیں بعد ریاسی انتظامیہ نے لوکاں نانہہ محتاط رہن غی ہدایت دتی ہے سانہہ مانہہ بسترتے دیگر نالاں مانہہ پانی بدھن ور سیلاب بارے الرٹ کیو گیو ہے درباے چناب غا بدھتا وا پانی نانہہ سنبھالنے واسطے سلال ڈیم غا دروازہ کھول دتا گیا ہیں اونگا مٹی کھسکن غا خدشات تے

مرمت غا کم غے باعث ویشنو دیوی یاترا اج اٹھویں دن وی معطل پیش بے یاس
بارا مانہ مارا مانہ نگار غی یاہ رپوٹ۔

DELHI CM CALL

وزیراعلیٰ عمر عبداللہ نے دہلی غی وزیر اعلیٰ ریخا گپتا غو شکریو ادا کیو جنہاں
نے سیلاب غیودران یکجہتی حمایت غواظہار کیو عمر عبداللہ نے دہلی حکومت
غی مدد غی پیش کش نانہ خوش آئند قرار دتو تے کہیو کہ ایسا نیک عمل نہ
صرف حوصلو دیں بلکہ مشکل حالات ورقابو پان غا عزم نانہ وی مضبوط کریں
اُنہاں نے یقین دہانی کرائی کہ سیلاب متاثران نانہ جلد از جلد امداد تے ضروری
سہولیات فراہم کی جیں غی۔

RANA POONCH

جل شکتی غا وزیر جاوید احمد رانا نے اج پونچھ ضلع انتظامیہ غے نال حالیہ
سیلاب تیں بعد بنیادی سہولیات امدادی کم تے قدرتی آفات تیں بچاؤ بارے
انتظامات غو جائیزو لیو اُنہاں نے متاثرہ خاندانان نانہ فوری معاوضو دین تے اُن
واسطے بنیادی سہولیات جلد بحال کرن ور زور دتو وزیر نے سکولان غو مکمل
معائنو کرن غی ہدایت کیتانجے اس خراب موسم مانہ بچاں غی حفاظت نانہ
یقینی بنایو جاسکے حکام نانہ ہدایت دتی گئی بے کہ امداد غی تقسیم کاری
مانہ تیزی لیاویں تے بحالی غا کم ور قریبی نظر رکھیں۔

DEBRIS REMOVED

جموں کشمیر مانہ حالیہ سیلاب تے مٹی غا تودا پین تیں بعد زمین تے معدنیات
بارے محکمہ نے ہدایت دتی بے کہ کھیتاں تے ذاتی زمیناں تیں مٹی ریت تے ملبہ
نانہ فوری طور ور صاف کی وجے سرکاری ہدایت نامہ مانہ کہی وگیو بے کہ
نالان غی ریت تے بجری غی پاری تحہ کھیتاں نانہ خراب کر رہی بے ضلعی
افسراں نانہ نگرانی غی زے داری دتی گئی بے تانجے زمین نانہ نقصان پُجے
بغیر صفائی کی جاسکے تے کسی وی قسم غی خلاف ورزی ور افر جواب دہ وے
غو، تانجے کسانان غی روزی روٹی محفوظ ہوسکے۔

سیلاب تیں متاثری جموں خطہ مانہہ رابطہ بھال کرن غی کوشش تیزی سنگ جاری ہیں فوج غی طرفوں تعمیر کیو گیو نوو چوتھو توی پُل بون ٹریفک واسطے کھول دتو گیو بے جھڑی کہ عوام واسطے ایک بڑی راحت بے تباہ کُن سیلاب نے بہت سارہ علاقہ نانہہ ڈبو دتو کہراں کھیتاں تے اہم بنیادی ٹہانچاں نانہہ نقصان پُجایو خاص طور ور قومی شاہراہ 244 نانہہ جھڑی ٹھاٹھری غے نیڑے بے تے دوڈہ تے کشتوار نانہہ جوڑے اس صورتحال سنگ نمڑن واسطے فوج پُلان گو سامان لیا رہی بے تے دوڈہ مانہہ جنگل وار نالہ ور ایک بیلی پُل تعمیر کر رہی بے مشکل موسم تے دشوار گزار رستاں غے باوجود پُل غی تعمیر تیزی سنگ جاری بے۔ جس مانہہ مقامی انتظامیہ تے حفاظتی دستہ بھرپور تعاون فراہم کر رہیا ہیں تانجے بحالی غو عمل ہموار طریقہ سنگب مکمل ہوسکے۔

POWER RESTORATION

تے 26 اگست نانہہ بون آلی تباہ کُن بارشاں تے اچانک آن آلا سیلاب غے بعد 25 محکمہ بجلی یعنی پی ڈی ڈی نے ریکارڈ وقت مانہہ جموں خطہ مانہہ بجلی غی فراہمی بحال کردتی بے وسیع پیمانہ ور نقصان غے باوجود محکمہ نے فوری طور ور اہم بنیادی ٹہانچہ غی مرمت واسطے اقدامات کیا موسلا دھار بارشاں دریائے توی غی ظفانی مقامی نالاں مانہہ پانی پریاجان تے زمین کھسکن جیسا واقعات نے بجلی غا ترسیل وتقسیم نظام نانہہ شدید متاثر کی وتھو ایک پربش بیان مانہہ پی ڈی ڈی نے کئی وسیع بحالی غا کم تفصیل پیش کی تے اس عزم غو اعادو کیو جے قدرتی آفات غے دوران ضروری خدمات غی فراہمی نانہہ برقرار رکھیو جے غو۔

WATER SUPPLY

حال ہی مانہہ آیا سیلاب تے پاری بارشاں تیں پُجیا شدید نقصان تیں بعد جموں غی تقریباً 65 فی صد پانی غی فراہمی بحال ہوئی بے جموں میونسپل کارپوریشن نے دسیو کہ شٹلی لاہار تے سال غا اہم پانی صاف کرنغا مرکز اگلان 2 دنان مانہہ شروع ہو جیں غا جدکہ شٹلی مانڈا نانہہ ٹھیک بون مانہہ ترے تہاڑا بور لگیں غا دونتلی پانی صاف کرنغا مرکز ور وی کم جاری بے تے وہ وی جلد کم کرن لگے غو۔ دُرگا نگر واسطے پانی غی بڑی پائپ لائن پلکیں توڑی مکمل ہو جے غی بُن

توڑی 126 وچوں 110 ٹیوب ویل بحال ہو چکا ہیں تے باقی کم وی تیزی سنگ جاری ہے تانجے پانی غی فراہمی مکمل طورور شروع ہوسکے۔

WEATHER

محکمہ موسمیات نے اگلا 24 گھنٹاں مانہہ جموں کشمیر گا کئی ضلعاں مانہہ پاری بارشاں غی پیشن گوئی کی گئی ہے جس غی وجہ نال کئی جگہاں ور بدل پٹھن اچانک سیلاب آجان زمینی تودا کھسکن کیچر گا رو تے پتھر وغیرہ آجان جیسی صورتحال پیدہ ہو سکے مقامی محکمہ موسمیات نے یوٹی غا کئی ضلعاں مانہہ اج پاری تیں مچ پاری بارشاں غی پیشن گوئی کی ہے توقعو ہے کہ ضلع ڈوڈہ کٹھوعہ کشتواڑ کو لگام پونچھ رام بن ریاسی تے ادھمپور اس تیں متاثر ہو سکیں انتظامیہ نے عوام تیں ہوشیار رین تے حفاظتی ہدایات ور عمل کرن بارے کہیو ہے۔

NHW CLOSED

بانہال تے اس غا کول کال گا علاقاں مانہہ مسلسل پاری بارش غی وجہ تیں اج ایک واری پھر جموں سرینگر قومی شاہراہ ور آمدرفت متاثر ہوئی ہے آکاشوانی جموں غا نامہ نگار غے مطابق حفاظتی وجوہات غی بناور گڈیاں غی آمدرفت روک دتی گئی ہے شاہراہ غا کئی مقامات ور متی غا تودا تے پتھر پین غی اطلاع لبی ہے۔ ٹریفک پولیس اہلکاراں غے مطابق شاہراہ گزشتہ روز جُروی طورور کھولی گئی تھی لیکن بُن پاری بارشاں غے باعث بند ہے ٹریفک محکمہ نے مسافراں نانہہ مشورو دتو ہے کہ تازہ صورتحال جانن تیں بعد ہی سفر کریں۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے

خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار
غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر جموں
یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست
غی بارڈ کاپی ضروری دستاویزات غے ہمراہ بیڈ ریجنل نیوز یونٹ آکاشوانی پنچترتھی
جموں مانہ بزات خود

آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

ور دستیاب ہے۔ www.newsonair.gov.in
